



### Datganiad Preifatrwydd (CCC Aelodau Bwrdd)

#### Hunaniaeth a Manylion Cyswllt Rheolwr Data

Mae Cartrefi Cymunedol Cymru (CHC) yn gorff ymbarél o gymdeithasau tai yng Nghymru. Fel sefydliad anelwn i:

- Ddylanwadu ar bolisi'r llywodraeth
- Cefnogi a hyrwyddo gwaith ein haelodau
- Bod yn llais i'r sector

#### Ein manylion:

Cartrefi Cymunedol Cymru  
2 Ocean Way, Caerdydd, CF24 5TG  
www.chcymru.org.uk  
02920674810  
privacy@chcymru.org.uk

Rydym yn Elusen Gofrestredig (1128527) ac yn Rheolydd Data Cofrestredig (ZA334456).

#### Data a gesglir a diben prosesu

Fel sefydliad, ni fyddwn ond yn dal yr wybodaeth sy'n hanfodol i ni hwyluso eich rôl fel Aelod Bwrdd. Mae rhai o'r rhesymau pam y byddwn yn prosesu eich data yn cynnwys:

- Dosbarthu gwybodaeth
- Trefnu cyfarfodydd
- I lunio rhestr fer o ymgeiswyr ar gyfer y swydd

Felly, dim ond yr wybodaeth ddilynol y byddwn yn ei chasglu gennych:

- Enw
- Sefydliad
- E-bost
- Teitl swydd
- Rhif ffôn
- Gwybodaeth a phrofiad blaenorol
- Matrics sgiliau
- Ffurflen Cyfle Cyfartal

Rydym yn defnyddio prosesyddion data sy'n darparu gwasanaethau i ni ac yn ein helpu i brosesu eich data. Mae gennym gontractau yn eu lle gyda'r prosesyddion hyn sy'n golygu mai dim ond ffyrdd yr ydym wedi rhoi cyfarwyddyd iddynt wneud hynny y byddant yn defnyddio eich data. Ni fyddant yn rhannu eich gwybodaeth bersonol a dim ond cyhyd ag y rhoddwn gyfarwyddyd iddynt y byddant yn ei gadw.

Yn aml caiff cyfarfodydd eu trefnu yn defnyddio Doodle Poll. Mae Doodle wedi cofrestru yn y Swistir ac felly'n cydymffurfio gyda Rheoliadau Diogelu Data Cyffredinol. Byddwn yn dileu unrhyw bôl a gaiff ei greu cyn gynted ag y penderfynwyd ar ddyddiad cyfarfod.



Ni fyddwn yn rhannu eich gwybodaeth gydag unrhyw drydydd parti ar gyfer dibenion marchnata uniongyrchol, a dim ond lle mae'n rhwymedigaeth gyfreithlon arnom i wneud hynny y byddwn yn rhannu gwybodaeth.

### **Sail cyfreithiol ar gyfer prosesu**

Cadwn yr wybodaeth yma dan Erthygl 6 y Rheoliad Prosesu Data Cyffredinol (GDPR) ar gyfer prosesu dan fuddiannau dilys.

Er mwyn i ni hwyluso eich rôl ar y Bwrdd, mae'n hanfodol ein bod yn dal yr wybodaeth arnoch fel y gallwn gyfathrebu gyda chi a dangos y cawsoch eich penodi mewn proses deg a thryloyw, y i gyfathrebu'n effeithlon gyda chi yn ystod eich cyfnod yn y swydd.

### **Derbynwyr neu gategoriâu derbynwyr**

Gall yr holl staff gysylltu â'r Bwrdd, gan y cedwir yr wybodaeth ar ein system CRM fewnol ddiogel.

Yng nghyfarfod y bwrdd ar 22 Mawrth 2018 penderfynwyd y gellid rhannu cyfeiriadau e-bost rhwng aelodau Bwrdd.

Y Cymhorthydd Cefnogaeth Weinyddol a'r Uwch Grŵp Rheoli fydd yr unig unigolion sydd â mynediad i gofnodion recriwtio.

Ni fyddwn yn trosglwyddo eich data i unrhyw drydydd parti, os nad ydych yn gofyn i ni yn benodol i wneud hynny, neu mae'n rhwymedigaeth gyfreithiol arnom i wneud hynny.

### **Cyfnod cadw neu feini prawf a weithredwyd**

Caiff yr wybodaeth ar unigolyn fel Aelod Bwrdd ei gadw ar ein systemau, mewn copïau electronig a phapur, tan 6 mis ar ôl i'r unigolyn gamu lawr o'u swydd fel Aelod Bwrdd.

### **Hawliau unigol dan GDPR**

Dan GDPR, mae gan bob gwrthrych data yr hawliau dilynol:

- **Mynediad** – mae gan bob gwrthrych data hawl i ofyn am unrhyw wybodaeth a gaiff ei phrosesu gan ein sefydliad. Cysylltwch â [privacy@chcymru.org.uk](mailto:privacy@chcymru.org.uk) gyda theitl pwnc '**Cais Gwrthrych am Wybodaeth**' os gwelwch yn dda. Byddwn angen i chi roi dau ddarn o dystiolaeth yn profi pwy ydych i sicrhau ein bod yn rhoi'r wybodaeth i'r person cywir. Byddwn yn ymateb i'ch cais o fewn un mis. Ni chodir tâl am gais gwrthrych am wybodaeth, ond gall ceisiadau mynych a beichus olygu y codir tâl.
- **Unioni** – mae gennych chi, fel y gwrthrych data, hawl i sicrhau y caiff unrhyw ddata anghywir a gedwir amdanoch ei diweddarau heb oedi. Cysylltwch ag [privacy@chcymru.org.uk](mailto:privacy@chcymru.org.uk) gyda theitl pwnc 'Unioni Data' os gwelwch yn dda a byddwn yn delio gyda'ch ymholiad o fewn 10 diwrnod gwaith.



- **Dileu** - os gwnewch cais i ni ddileu eich gwybodaeth, byddwn yn gwneud hynny. Cysylltwch â [privacy@chcymru.org.uk](mailto:privacy@chcymru.org.uk) gyda'r teitl pwnc '**Dileu data**' a byddwn yn delio gyda'ch ymholiad o fewn 10 diwrnod gwaith. Fodd bynnag, fel canlyniad, ni fedrwn mwyach gyfathrebu gyda chi fel aelod Bwrdd a gall fod angen i ni ofyn i chi gamu lawr.
- **Cyfyngu prosesu** - mae gennych hawl i gyfyngu'r hyn y defnyddiwn ddata ar ei gyfer. Os, ar unrhyw bryd, na ddymunwch mwyach dderbyn categori neilltuol o wybodaeth gennym, gadewch i ni wybod os gwelwch yn dda fel y gallwn gyfyngu'r hyn y cysylltwch â chi amdano. Cysylltwch â [privacy@chcymru.org.uk](mailto:privacy@chcymru.org.uk) gyda theitl pwnc '**Cyfyngu Prosesu Data**' a byddwn yn delio gyda'ch cais o fewn 10 diwrnod gwaith.
- **Gwrthwynebiad i brosesu** - mae gennych hawl i wrthwynebu i ni brosesu eich data ar unrhyw adeg. Os nad ydych mwyach yn dymuno i ni gadw data arnoch, cysylltwch â [privacy@chcymru.org.uk](mailto:privacy@chcymru.org.uk) os gwelwch yn dda gyda'r llinell pwnc '**Gwrthwynebiad i brosesu**' a byddwn yn delio gyda'ch ymholiad o fewn 10 diwrnod gwaith.